

**“TASDIQLAYMAN”**

Toshkent irrigatsiyava qishloq xo‘jaligini  
mexanizatsiyalash muxandislari instituti

**“TASDIQLAYMAN”**

Toshkent shahar ekologiya va atrof  
muhitni muhofaza qilish boshqarmasi

**INNOVATSION HAMKORLIKNI AMALGA OSHIRISH BO’YICHA****SHARTNOMA № 89****Tashkent shahri****“03” 12 2021-yil**

O‘zbekiston Respublikasi Prezidentining “O‘zbekiston Respublikasi oliy ta’lim tizimini 2030 yilgacha rivojlantirish konsepsiyasini tasdiqlash to‘g‘risida” 2019 yil 8 oktyabrdagi PF-5847-son Farmoni hamda O‘zbekiston Respublikasi Prezidentining 2021yil 16 iyundagi “Oliy ta’lim sohasidagi islohotlar natijadorligi hamda yangi o‘quv yiliga tayyorgarlik jarayonlari to‘g‘risida” o‘tkazilgan videoselektor yig‘ilishi 34-sonli bayoni ijrosini ta’minalash maqsadida Toshkent irrigatsiya va qishloq xo‘jaligini mexanizatsiyalash muxandislari instituti (TIOXMMI) (keyingi o‘rinlarda Institut) nomidan (bir tomondan) institut Ustavi asosida Birinchi prorektori *B.Mirzayev*, Toshkent shahar ekologiya va atrof muhitni muhofaza qilish boshqarmasi (keyingi o‘rinlarda Boshqarma), ikkinchi tomondan Boshqarma Ustavi asosida boshliq *F.Dehqonov* o‘rtasida o‘zaro hamkorlik aloqalari bo‘yicha shartnoma tuzildi.

**1. Umumiy qoidalar**

Oliy ma’lumotli mutaxassislarni tayyorlash sifatini oshirishda iqtisodiyot sohalari va tarmoqlarining ishtirokini yanada kengaytirish orqali respublika oliy ta’lim tizimida yuqori malakali raqobatbardosh kadrlar tayyorlashning mazmunini mamlakatning ijtimoiy-iqtisodiy taraqqiyoti istiqbollari, boshqarma ehtiyojlar, ilm-fan, texnika va texnologiyalarning zamonaviy yutuqlaridan kelib chiqqan holda tubdan takomillashtirish maqsadida quyidagi yo‘nalishlarda hamkorlik amalga oshiriladi:

- 1.1. Institut va Boshqarmaning o‘zaro samarali hamkorligini yo‘lga qo‘yish.
- 1.2. Toshkent shahar ekologiya va atrof muhitni muhofaza qilish boshqarmasi (keyingi o‘rinlarda Boshqarma)ning mutaxassislar tayyorlash sifatiga bo‘lgan talablarini bevosita ta’lim mazmunini shakllantirishda Institut professor-o‘qituvchilari tomonidan tizimli o‘rganib borilishini tashkil etish maqsadida stajirovkalar joriy qilish.
- 1.3. Rivojlangan xorijiy davlatlarning eng ilg‘or tajribasini o‘rgangan hamda Boshqarmaning mutaxassislarga bo‘lgan talabidan kelib chiqqan holda o‘quv rejalar, fan dasturlari, o‘quv adabiyotlari, shu jumladan o‘quv-metodik komplekslarni xalqaro standartlar asosida, zamonaviy, mutlaqo yangi talablar asosida ishlab chiqilishi va bosqichma-bosqich joriy etilishini tashkil qilishni o‘zaro hamkorlikda amalga oshirish.
- 1.4. Hamkorlikda Boshqarmani istiqbolli rivojlantirish dasturini hisobga olib, oliy malakali kadrlarga bo‘lgan ehtiyojini yillar kesimida aniq manzilli, ta’lim yo‘nalishi hamda mutaxassisligini ko‘rsatgan holda, aniq balans beradigan hisob-kitoblar asosida ishlab chiqish.
- 1.5. Institutning ta’lim yo‘nalishida zamonaviy axborot-kommunikatsion texnologiyalari asosida ilmiy-tadqiqot ishlarini hamkorlikda bajarish va qo‘llash.

- 1.6. Boshqarmaning muammolarini o‘rganish va ularning yechimi bo‘yicha ilmiy hamda amaliy takliflar ishlab chiqish. Ilmiy maqolalar tayyorlash va ularni nashr qilish.
- 1.7. Hamkorlikda seminarlar o‘tkazish.
- 1.8. Boshqarmada talabalar amaliyotini tashkil etish hamda bo‘sh ish o‘rinlariga bitiruvchilarini ishga joylashtirish choralarini ko‘rish.
- 1.9. Institut o‘qituvchilarining Boshqarmada amaliy tadqiqotlar o‘tkazishiga sharoit yaratib berish.
- 1.10. Boshqarmaning tegishli xodimlari tomonidan kafedra bitiruvchilarini seleksiya qilish asosida ularni amaliyotga va ishga qabul qilish bo‘yicha tizimli ishlarni yo‘lga qo‘yish.
- 1.11. Hamkorlikda Boshqarmani istiqbolli rivojlantirish dasturlarini ishlab chiqish.
- 1.12. Professor-o‘qituvchilarning amalga oshiradigan ilmiy-tadqiqotlarini tijoratlashtirishda hamkorlik qilish;
- 1.14. Mazkur shartnomaning tuzilishi va undagi shartlarning bajarilishi Institut va Boshqarma orasida tuziladigan o‘zaro manfaatli boshqa shartnomalarga zid bo‘lmasligi shart.

## **2. Innovatsion hamkorlikni amalga oshirishda institutning vazifalari**

- 2.1. Institutning sohaga oid ta’lim yo‘nalishidagi har bir talabasini 1-kursdan boshlab Boshqarmada amaliyotlarni tizimli ravishda o‘tkazilishini hamda ixtisoslik fanlarining amaliy mashg‘ulotlarini bevosita ishlab chiqarishda tashkillashtirish.
- 2.2. Institutning soha mutaxassisligi bo‘yicha bitiruvchilarini Boshqarma va uning tasarrufidagi inspeksiyalarga ishga joylashtirish bo‘yicha aniq choralar ishlab chiqish.
- 2.3. Ishlab chiqarish, ilm-fan va ta’lim o‘rtasida integratsiyani chuqurlashtirish maqsadida Boshqarmaga tegishli ilmiy-texnik rivojlantirish yo‘nalishlari muammolari mavzulari bazasini shakllantirishda ishtirop etish.
- 2.4. Boshqarmaning ilmiy-texnik rivojlantirish muammolarini Institut bilan xo‘jalik shartnomalarini tuzgan holda amalga oshirish, xo‘jalik shartnomalarini bajarish ishlariga doktorantlar, magistrantlar va iqtidorli talaba yoshlardan iborat tadqiqotchilarni tizimli ravishda jalb qilishni tashkil etish.
- 2.5. Institut professor-o‘qituvchilarini, ilmiy xodimlari va talabalari bilan Boshqarmaga oid yangiliklar, rivojlantirish istiqbollari, ta’lim mazmunini takomillashtirish, ilmiy-tadqiqot ishlarini rivojlantirish va kelgusidagi vazifalarni belgilab olish yuzasidan uchrashuvlar o‘tkazib borishni amalga oshirish.
- 2.6. Institutning soha yo‘nalishlariga mos kafedralari qoshida oliy ta’lim, ilm-fan va ishlab chiqarish o‘rtasidagi innovatsion korporativ hamkorlik guruhlarini shakllantirish;
- 2.7. O‘quv materiallarini Boshqarmaning istiqbolli vazifalari va muammolari asosida yangilash va boyitib borish;
- 2.8. Boshqarma boshlig‘i va mutaxassislarini bitiruvchilarining yakuniy davlat attestatsiyalarida ishtirop etishi uchun sharoit yaratish;
- 2.9. Talabalarni ish joylariga dastlabki taqsimlashni bitiruvchi kurs so‘ngida emas, balki mos ravishda ikkinchi va uchinchi kursda tahsil olayotgan davrda o‘tkazish va barcha turdag‘i amaliyotlarni Boshqarmada o‘tashni yo‘lga qo‘yish.

### **3. Innovatsion hamkorlikni amalga oshirishda boshqarmaning vazifalari**

3.1. Institutning sohaga mos yo‘nalishlari bo‘yicha Boshqarmada filialini ochishga yordam berish.

3.2. Institutning ta’lim yo‘nalishidagi har bir talabaning 2-kursdan boshlab Boshqarmada malakaviy amaliyotlarni tizimli ravishda o‘tkazilishiga ko‘maklashish va ixtisoslik fanlarining amaliy mashg‘ulotlarini bevosita ishlab chiqarishda tashkillashtirishni amalga oshirishga sharoit yaratish, sohaga mos ta’lim yo‘nalishlari mutaxassisliklari bo‘yicha bitiruvchilarga bo‘sh ish o‘rinlari bo‘yicha takliflar berish.

3.3. Ishlab chiqarish, ilm-fan va ta’lim o‘rtasida integratsiyani chuqurlashtirish maqsadida Boshqarmaga tegishli ilmiy-texnik rivojlantirish yo‘nalishlari muammolari mavzulari bazasini shakllantirishda ko‘maklashish.

3.4. Boshqarmaga tegishli ilmiy-texnik rivojlantirish yo‘nalishlari muammolari bo‘yicha Institut bilan xo‘jalik shartnomalarini tuzish.

3.5. Institut professor-o‘qituvchilari, ilmiy xodimlari va talabalari bilan Boshqarmaga oid yangiliklar, rivojlantirish istiqbollari, ta’lim mazmunini takomillashtirish, ilmiy-tadqiqot ishlarini rivojlantirish va kelgusidagi vazifalarni belgilab olish yuzasidan uchrashuvlar o‘tkazib borishga sharoit yaratish.

3.6. Institut ta’lim yo‘nalishlari va mutaxassisliklari talabalari uchun, mahsulot ishlab chiqarishning texnologik jarayonlari Boshqarmaga tegishli ilmiy-texnik rivojlantirish yo‘nalishlari muammolari bo‘yicha Boshqarmaning yetakchi mutaxassislari tomonidan ma’ruzalar o‘qishni tashkillashtirish.

3.7. Boshqarmaga tegishli ilmiy-texnik rivojlantirish yo‘nalishlari muammolari bo‘yicha bitiruv malakaviy ishi va magistrlik dissertatsiyalari hamda kurs ishi va loyiha mavzularini shakllantirishda amaliy yordam berish, shart-sharoitlar yaratish.

3.8. Doktorantlar, magistratura talabalarini jamiyatning muammoli masalalariga bag‘ishlangan dissertatsiya mavzulari ustida ishlashini, shuningdek, tajriba-sinovlarni jamiyat va jamiyat ta’sischiligidagi mas’uliyati cheklangan jamiyatlarida o‘tkazish, amaliyotga tatbiq etilgan ishlar mualliflari bo‘lgan hamda ixtirochilik patentini qo‘lga kiritgan doktorant va magistrlarni o‘qituvchi lavozimi bo‘yicha Boshqarma hisobidan moddiy rag‘batlantirish;

3.9. Institutning sohaga mos ta’lim kafedralari qoshida shakllantiriladigan oliy ta’lim, ilm-fan va ishlab chiqarish o‘rtasidagi innovatsion korporativ guruhlarga Jamiyatning yetuk mutaxassislari biriktirish;

3.10. Institut o‘qituvchilarining Boshqarmada amaliy tadqiqotlar o‘tkazishga sharoit yaratib berish;

3.11. Boshqarmaning mutaxassislar tayyorlash sifatiga bo‘lgan talabalarini tizimli o‘rganib borilishini tashkil etish maqsadida stajirovkalarga kelgan Institut professor-o‘qituvchilari uchun sharoitlar yaratib borish;

3.12. Ta’tillar davrida soha talabalarini Boshqarmada mavsumiy ishchi sifatida vaqtinchalik ish bilan ta’minalash;

3.13. Boshqarmadagi bo‘sh vakant o‘rinlarni malakali bitiruvchilar bilan to‘ldirib borish;

3.14. Ta’lim yo‘nalishlari va mutaxassisliklarning o‘quv rejasida belgilangan ishlab chiqarish va malaka amaliyotlarini o‘tash davrida talabalarga amaliyotchi maqomini berish va

amaliyot davri davomida imkoniyat doirasida ish haqi to‘lanadigan lavozimga ishga qabul qilish;

3.15. Boshqarmadagi rahbar va mutaxassislarini bitiruvchilarning yakuniy davlat attestatsiyalarida ishtirok etishini ta’minlash;

3.16. Institut talabasiga Boshqarma mas’ul xodimini biriktirish, bunda biriktirilgan xodim amaliyotchi bilan ishlash ko‘nikmasiga ega bo‘lishini ta’minlash, Boshqarmada amaliyotchidan unumli foydalanishni yo‘lga qo‘yish, amaliyotchilar uchun ish joyi va amaliyot davrida foydalanish uchun zaruriy materiallar ajratilishini tashkil etish.

#### **4. Innovatsion hamkorlikni amalga oshirishda boshqarmaning talablari**

4.1. Institutdan Boshqarmaga kelgan Doktorantlar, magistr va talabalar boshqarmaning ichki mehnat tartib qoidalarga amal qilishlari.

4.2. Boshqarmaga kelgan Doktorantlar, magistr va talabalar tehnika xavfsizligi bo‘yicha yo‘riqnomalar bilan tanishib chiqishlari va unga rioya qilishlari talab qilinadi.

4.3. Ishlab chiqarish jarayonlarida boshqarmaning ichki mehnat tartib qoidalarga hamda texnika xavfsizligi qoidalariga rioya qilmaganda Institut Doktorantlari, magistrlari va talabalari amaliyot o‘tash jarayonlaridan chetlashtiriladi.

#### **5. Innovatsion hamkorlikni amalga oshirish bo‘yicha shartnoma bajarilish muddati**

5.1. Ushbu shartnoma ikki nusxada tuzilib, biri TIQXMMI da, ikkinchi nusxasi Toshkent shahar ekologiya va atrof muhitni muhofaza qilish boshqarmasida saqlanadi.

5.2. Shartnoma tomonlarni birini faoliyati tugatilganda yoki tomonlardan birini sabablari asoslab ko‘rsatilgan xolda kamida uch oy oldin yozma ravishda bergen ogohlantirishiga asosan to’xtatilishi mumkin.

5.3. Mazkur shartnoma tomonlar imzolagan kundan boshlab kuchga kiradi va **besh yil muddatga** amal qiladi. Amal qilish muddati tugagandan so‘ng, tomonlar shartnomani tugatish to‘g‘risida yozma ravishda ogohlantirish bermasalar uning amal qilish muddati keyingi besh yilga uzayadi.

100043, Toshkent sh.,  
Chilonzor tumani, Beshyog‘och ko‘chasi,  
57 uy, Tel.: 71-277-75-43,  
tel/faks 71-277-75-43  
**e-mail:** [tash\\_city@uznature.uz](mailto:tash_city@uznature.uz)

Toshkent shahar ekologiya va atrof  
muhitni muhofaza qilish boshqarmasi  
boshligi  
F.E.Dehqonov  
2021 yil

TIQXMMI:100000, Toshkent sh.  
Q.Niyoziy ko‘chasi 39,  
Tel.: 71-237-46-68, tel/faks  
<http://www.tiiame.uz>  
**e-mail:** [admin@tiiame.uz](mailto:admin@tiiame.uz)

Toshkent irrigatsiya va qishloq xo‘jaligini  
mexanizatsiyalash muhandislari instituti  
birinchi prorektori, t.f.d., professor

B.S.Mirzayev  
2021 yil